

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 24 (1934)

Rubrik: Rapport dell'academia romontscha "Il Curtin" a Mustér (1932/33)

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>

Rapport dell' academia romontscha „Il Curtin” a Mustér (1932/33)

Sco tochen da cheu, aschia haveva era l'annada 1932/33 premurai e diligents hortulans el fluent «Curtin». Per nies displascher ha bein enqual vegl commember bandunau la scola claustrala e priu comiau dall' academia romontscha. Per quei motiv eran uonn mo 12 scolars en stiva romontscha e quei lu aunc il bia mo novs. Mo las uniuns, ch' han buca mintg' onn silmeins ina pintga midada de commembers ein raras e principalmein quellas en ina scola. Versadas forzas vedras fan plaz a forzas giuvnas. Il «Curtin» ha tonaton era fluriu uonn e purtau bials fretgs. Duront igl emprem quartal ei il tgamun els mauns de Felice Maissen, el secund en quels d' Anton Alig. Sco ils onns vargai, aschia ha mintga hortulan anflau era uonn ina ura ad jamna per siu lungatg matern. En talas occasiuns han ils commembers veramein capiu de legrar in l' auter cun bialas ed intressantas lavurs. Naturalmein han declamaziuns de poesias buca muncau. Cun gronda premura ei bein enqual caussa ord la grammatica vegnida studegiada. Persuenter ha il cant per munconza de capavels cantadurs stoviu vegnir negligius. Nus admittein aunc in cordial engraziament a nies car protectur rev. sgr. P. Maurus.

Schegie ch' el ha schiglioc lavur avunda en ed ord claustra, ha el aunc adina anflau temps de sesacrificar per nies «Curtin». Sch' el ha era in grond buordi ded onns si dies, eis el tuttina giuvens, cura ch' ei setracta de far enzatgei per il romontsch. In sincer Dieus paghi exprimn nus era a tut iis auters benefactors, sco a sgr. Dr. Condrau, il qual ha giu la buontad de tarmetter era uonn gratuitamein la Gasetta romontscha. Possi il «Curtin» verdegar e purtar buns e nizeivels fretgs per il pievel romontsch.

Per l' academia romontscha «Il Curtin»

Sigisbert Berther, stud.

Rapport dell' academia romontscha „Il Curtin” a Mustér (1933/34)

Vargadas las vacanzas ein ils hortulans dil «Curtin» seradunai bein prest en stiva romontscha. Igl intent de nossas radunonzas ei de mantener e cultivar igl anim e la premura, che han fundau l' academia romontscha ella scola claustrala a Mustér. Cun risguard dils examens de maturitad, che pretendan ina pli gronda concentraziun, havein nus saviu seradunar igl onn vargau mo mintga duas jamnas. Ils 12 commembers dil «Curtin» han nuotatonmeins teniu stendiu e fatg bein enqual buna lavur el lungatg matern. Buca pintga legria purschevan mintgamai las recitaziuns de poesias. In stupent mied per s' exercitar el lungatg ein, ultra dellas lavurs menzionadas, il